



Politička organizacija građana „Naša stranka“
Općinski odbor Velika Kladuša
Adresa: Sulejmana Topića bb, 77230 Velika Kladuša
Telefon: 060 311 66 74
E-mail: info@kladusajenasa.org

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinsko vijeće Velika Kladuša
n/r predsjedavajući, Admil Mulalić

Poštovani,

Klub vijećnika Naše stranke u Općinskom vijeću Općine Velika Kladuša ovim putem uzima učešće u javnoj raspravi o Nacrtu budžeta Općine za 2021. godinu te dostavlja sljedeće prijedloge:

Prijedlog br. 1: Umanjiti ekonomski kod 614411-004 JKUP „Komunalije“ doo Velika Kladuša za finansiranje uvođenja novih djelatnosti i novo zapošljavanje za 880.000 KM.

Obrazloženje: S obzirom na to da vijeće nema nikakvih informacija o opravdanosti utroška sredstava iz ovog granta u proteklim godinama, osim izvještaja Ureda za reviziju institucija FBIH u kojem su iznijeti zabrinjavajući podaci o poslovanju JKUP Komunalije, smatramo da je potrebno smanjenje ili potpuno ukidanje ovog granta. Kako je na osnovu Odluke o privremenom finansiranju Općine za period 1.1.2021.-31.3.2021. godine sa ovog koda već isplaćeno do 820.000 KM, predlažemo umanjjenje ovog koda za 880.000 KM, čime bi se ova značajna sredstva oslobodila za rješavanje ključnih problema građana Velike Kladuše.

Prijedlog br. 2: Stavku ekonomski kod „821600 Rekonstrukcija i investiciono ulaganje“, uz ekonomski kod 821612 uvesti dodatni ekonomski kod „821612-001 Rekonstrukcija ulice 23. februar i pristupnog puta prema gradskom groblju i mezarju Drmaljevo“ u iznosu od 80.000 KM. Sredstva osigurati umanjnjem ekonomskog koda 614411-004 za 80.000 KM.

Obrazloženje: Građani ulice 23. februar su pokrenuli inicijativu za rekonstrukciju dijela ove ulice i pristupnog puta ka gradskom groblju i mezarju Drmaljevo. U akciju prikupljanja sredstava će se uključiti i drugi građani Velike Kladuše jer se radi o gradskom mezarju. Važno je napomenuti da se u programu ZKP za samo održavanje ovog puta izdvaja 6 000 KM godišnje. Zbog konfiguracije terena postojećeg puta je teško održavati isti, te je stoga neophodno izvršiti asfaltiranje istog čime bi svi građani MZ Velika Kladuša dobili bolji pristupni put gradskom groblju i mezarju.

Prijedlog br. 3: Ekonomski kod 821300 Nabavka opreme, ekonomski kod 821321- Motorna vozila- nabavka vatrogasnog vozila povećati sa 50.000 KM na 225.000 KM. Sredstva osigurati umanjnjem ekonomskog koda 614411-004 za 175.000 KM.

Obrazloženje: Vatrogasna jedinica Općine Velika Kladuša ima znantne probleme sa nedostatkom ispravnih motornih vozila, te se intervencije vrše u otežanim uvjetima i sa zakašnjenjem. Neophodna je hitna nabavka novog vatrogasnog vozila, čija se cijena kreće u rasponu 200-250 hiljada KM.

Prijedlog br. 4: Ekonomski kod 614817 Izvršenje sudskih presuda i rješenja o izvršenju povećati sa 64.812 KM na 250.000 KM. Sredstva osigurati umanjnjem ekonomskog koda 614411-004 za 185.188 KM.

Obrazloženje: Prema dostupnim informacijama, potraživanja tužitelja prema Općini Velika Kladuša po osnovu sudskih presuda i rješenja o izvršenju iznose oko 750.000 KM (sa kamatama). Ova potraživanja godišnje rastu samo po osnovu kamata za oko 50.000 KM, te se sadašnjim tempom isplata potraživanja ne umanjuju u značajnoj mjeri. Povećanjem izdvajanja za ovu svrhu na 250.000 KM bi se u ovoj godini potraživanja po ovom osnovu smanjila za gotovo 40 posto, te bi se umanjila šteta koja se nanosi budžetu zbog uvećavanja potraživanja po osnovu zateznih kamata.

Prijedlog br. 5: Ekonomski kod 614311-007 Grant za Sportski savez povećati sa 150.000 KM na 250.000 KM. Sredstva osigurati umanjnjem ekonomskog koda 614411-004 za 100.000 KM.

Obrazloženje: Ove godine je nacrtom budžeta predviđeno povećanje Granta za sportski savez sa 100.000 na 150.000 KM. Međutim, isto tako je predviđeno ukidanje grantova za NK Krajišnik, NK Mladost i KK Krajišnik, koji su u zbiru prošle godine iznosili 102.000 KM, što znači da će isti broj sportskih kolektiva dijeliti za 48.000 KM manje sredstava i to u godini koja je jako neizvjesna i teška za sportske klubove zbog zabrane prisustva publike na svim takmičenjima. Ovo su razlozi zbog kojih smatramo da je neophodno povećanje granta za Sportski savez na 250.000 KM uz donošenje novog pravilnika o raspodjeli sredstava u čijoj izradi će biti uključeni sve članice saveza.

Prijedlog br. 6: Ekonomski kod 614311-006 Grant za školama sa područja općine Velika Kladuša povećati sa 0 KM na 70.000 KM. Sredstva osigurati umanjnjem ekonomskog koda 614411-004 za 70.000 KM.

Obrazloženje: Iako školstvo nije u eksplicitnoj nadležnosti lokalnog nivoa vlasti, naša djeca itekako jesu naša briga. Kao lokalna zajednica ne možemo direktno mijenjati obrazovni sistem, ali svakako možemo poboljšati uslove rada i za učenike i za nastavnike u našim školama. Direktna izdvajanja općine za škole moraju biti značajnija nego do sada, a nikako se ukidati, te ih je potrebno dodjeljivati korisnicima (školama) kroz projektno finansiranje. Dodatni razlozi za povećanje ovog granta su trenutna situacija sa pandemijom koronavirusa, koja je pred škole postavila značajne finansijske i organizacione izazove, te posljedice potresa na području Petrinje koji je izazvao materijalna oštećenja i na objektima više škola u Velikoj Kladuši.

Prijedlog br. 7: Ekonomski kod 614311-013 grant za NK Mladost povećati sa 0 KM na 20.000 KM. Sredstva osigurati umanjnjem ekonomskog koda 614411-004 za 20.000 KM.

Obrazloženje: NK Mladost iz Vrnograča ove godine slavi 50. godišnjicu osnivanja, te je u svrhu obilježavanja ovog jubileja planirano i izdavanje monografije o prvih 50 godina kluba.

Za izradu monografije i obilježavanje jubileja potrebna su sredstva od oko 20.000 KM. Kako uslijed epidemiološke situacije klub ne može računati na održavanje masovnih donatorskih događaja, mišljenja smo da bi Općina trebala sufinansirati obilježavanje jubileja jednog od najstarijih sportskih kolektiva na području Velike Kladaše.

Prijedlog br. 8: Ekonomski kod 614 400- Subvencije javnim preduzećima, ekonomski kod 614411-001 JP „Veterinarska stanica“ doo V. Kladaša (sufinansiranje projekta kastracije pasa lotalica) povećati sa 25.000 na 75.000 KM. Sredstva osigurati umanjnjem ekonomskog koda 614411-004 za 50.000 KM.

Obrazloženje: Problem pasa lotalica na području Velike Kladaše moguće je riješiti samo kontinuiranim i masovnim programom registracije, čipiranja, kastracije i sterilizacije pasa. Trenutna izdvajanja su nedovoljna za masovnije programe. Povećanjem ovog koda na 75.000 KM, Veterinarska stanica bi bila u mogućnosti da izvrši između 500 i 750 kastracija ili sterilizacija godišnje.

Prijedlog br. 9: Ekonomski kod 614500-Subvencije privatnim preduzećima i poduzetnicima, ekonomski kod 614516 Subvencija za veterinarstvo, privatna veterinarska stanica povećati sa 0 KM na 50.000 KM za sufinansiranje projekta registracije, čipiranje, kastracije i sterilizacije pasa. Sredstva osigurati umanjnjem ekonomskog koda 614411-004 za 50.000 KM.

Obrazloženje: Čitav projekt smanjenja populacije pasa lotalica, ukoliko se žele postići rezultati, je preobiman za jednu veterinarsku stanicu, pa je zbog toga neophodno da se dio tereta prebaci i na privatnu veterinarsku stanicu.

Prijedlog br. 10: Ekonomski kod 614311-002 grant za sufinansiranje projekata mladih preimenovati u „grant za sufinansiranje biznis projekata mladih“ te ga povećati sa 0 KM na 70.000 KM. Potrebna sredstva preusmjeriti sa ekonomskog koda 614323 - Tekući trans. za parlamentarne pol. partije-klubovi vijećnika.

Obrazloženje: Mladima u Velikoj Kladaši je neophodna pomoć pri realizaciji biznis ideja, te je stoga uputno ovaj grant preimenovati u grant sufinansiranje biznis projekata mladih i povećati iznos sredstava na 100 000 KM. Sredstva podijeliti kroz javni poziv sa jasno definisanim kriterijima za dodjelu i stručnom komisijom za odabir najboljih prijedloga/ideja. Sredstva potrebna za ovaj grant se mogu obezbijediti umanjnjem tekućeg transfera za parlamentarne političke partije na 30.000 KM, čime bi i ovo izdvajanje bilo usklađeno sa propisom o izdvajanjima iz državnog budžeta za političke partije kojim je definisano da sredstva za finansiranje političkih stranaka ne mogu prelaziti iznos od 0,2% budžeta u kalendarskoj godini.

Prijedlog br. 11: Ekonomski kod 614500-Subvencije privatnim preduzećima i poduzetnicima, ekonomski kod 614525-Subvencija za poticaj razvoja poduzetništva i obrta povećati sa 0 KM na 200.000 KM. Sredstva osigurati umanjnjem ekonomskog koda 614411-004 za 200.000 KM.

Obrazloženje: Pandemija koronavirusa je imala katastrofalan utjecaj i po svjetsku ekonomiju, a posljedice ekonomske krize su izazov s kojim će se i naša općina suočiti u ovoj i predstojećim godinama. Svaka pomoć razvoju poduzetništva i obrta je dobrodošla, te predlažemo planiranje barem 200.000 KM u ovom ekonomskom kodu, a kriterije za dodjelu

sredstava je potrebno da vijeće usvoji najkasnije do kraja mjeseca maja, uzimajući u obzir mišljenja struke i poduzetnika.

Prijedlog br. 12: Ekonomski kod 821224-Objekti vodovoda i kanalizacija- izgradnja retencije za prihvata vode ukinuti u potpunosti i prebaciti sredstva na ekonomski kod 614329-015 - Sredstva za finansiranje projekta uređenja nereguliranog korita rijeke Kladašnice, te isti preimenovati u „Sredstva za finansiranje projekta uređenja nereguliranog korita rijeke Kladašnice i čišćenje rijeka Kladašnice i Grabarske“.

Obrazloženje: Kako je, prema riječima savjetnika načelnika, projekat izgradnje retencije završen u prošloj godini, sredstva iz ovog koda je uputno preusmjeriti za projekat regulacije Kladašnice, ali i akcije čišćenja Kladašnice i Grabarske kojima bismo barem dijelove toka ovih rijeka oslobodili otpada koji je godinama odlagan u njih.

U Velikoj Kladaši, 16.03.2021.